

Ol gutpela manmeri tasol bai i go
long heven, a?

Nogat !

Manmeri nogut tasol i ken i go long
heven.

Ating yu bai pilim olsem dispela tok i no stret. Ating yumi save tingim olsem, ol gutpela manmeri bai i go long heven na ol manmeri nogut i no inap i go.

Planti pasta i save tokim yumi olsem, “Manmeri i mekim gutpela pasin bai i go long heven.” Planti misin i tokim yumi olsem, “Sapos yu stap stret na yu no gat rong, orait bai yu go long heven.”

Sampela pasta bilong ol sampela misin i tok olsem, “Taim Jisas i kam, Em bai skelim pasin bilong olgeta manmeri. Na manmeri we gutpela pasin bilong ol i winim pasin nogut bilong ol, orait Jisas bai kisim dispela kain manmeri. Na manmeri we pasin nogut bilong ol i winim gutpela pasin bilong ol, orait bai dispela kain manmeri i lus long hel.” Planti taim yumi harim dispela kain tok long maus bilong planti pasta bilong ol sampela misin.

Na yumi manmeri yumi tingim olsem dispela tok em i tru. Yumi tingim olsem, “Yes, *gutpela* manmeri tasol bai i go long heven na manmeri nogut i no inap.” Yumi tingim olsem, God i save lavim ol gutpela na stretpela manmeri tasol na long dispela as ol gutpela na stretpela manmeri bai i go long heven.

Tasol.....

Jisas i tok wanem long dispela samting?

Jisas i gat namba na Em i ken i tokaut long dispela samting na kliaim tingting bilong yumi. Jisas Em i bos bilong heven na hel. Olsem na, yumi mas harim tok bilong Em long dispela samting.

“Tasol, yupela mas klia olsem, Pikinini Bilong Man i gat namba long dispela graun.....” **Mak 2:10.**

“Krais i bin wokim olgeta samting. Em i bin wokim olgeta samting long heven na long graun. Em i bin wokim olgeta samting yumi inap lukim na olgeta samting yumi no inap lukim. Em i bin kamapim olgeta king na olgeta kantri king i save bosim, na Em i kamapim olgeta gavman, na olgeta bikman, na olgeta man i gat wok bilong bosim ol samting. Em i bin wokim olgeta samting na olgeta samting em bilong Em yet. Krais i stap paslain long olgeta samting na olgeta samting i save stap inap long strong bilong Krais tasol.” **Kolosi 1:16-17.**

Orait Jisas i tok wanem?

“Ol manmeri i no gat sik ol i no nidim dokta. Nogat. Ol sikman tasol i nidim dokta. Olsem na, Mi no kam bilong singautim ol stretpela manmeri. Nogat. Mi kam bilong singautim ol sin manmeri.” **Mak 2:17.**

Taim Jisas i stap long dispela graun ol tisa bilong lo na ol Farisi ol i no laikim Jisas, na ol i no pas wantaim Em. Long wanem? Ol i tingim olsem, ol i no nidim Jisas. Ol i tingim olsem, ol i stap stretpela man na ol i inap pinis.

Ol dispela lida man bilong lotu (ol Farisi na ol tisa bilong lo) ol i save bihainim Lo bilong God. Ol i amamas long mekim lotu na bihainim ol lotu pasin. Ol i gat strongpela tingting long mekim ol stretpela pasin bilong Lo. Olsem na, gutpela pasin bilong ol i winim gutpela pasin bilong ol narapela manmeri. Ating ol manmeri inap tok olsem, “Ol dispela lida man bilong lotu ol i gutpela man tasol.”

Tasol, taim ol i skelim ol yet ol i lukim ol narapela manmeri i no stap gutpela olsem ol na ol i tingim olsem, “Ating pasin bilong mipela i nambawan na mipela i stap stretpela man tru.”

Mi tok bokis liklik..... Sapos yu sanap wantaim wanpela man i bin rabim graun malomalo long olgeta hap bodi bilong em, na yu lukim em, ating yu bai pilim olsem yu stap klin. Tasol, sapos yu sanap wantaim wanpela man i klin tru na i gat nupela na klinpela waitpela klos, na yu lukim em, ating yu bai pilim olsem yu no klin tumas, a?

Na wankain olsem..... Ol dispela lida bilong lotu ol i sanap wantaim ol manmeri i no gutpela tumas, na ol i lukim pasin bilong ol, na ol i tingim olsem, “Ating pasin bilong mipela i nambawan na mipela i stap stretpela man tru.”

Tasol..... Sapos ol i sanap wantaim God, na ol i lukim ol stretpela stretpela pasin bilong God na ol i lukim ol stretpela stretpela tingting bilong God, ating ol i no inap tingim olsem, “Mipela gutpela man.” Nogat. Ol bai pilim sem nogut tru na ol bai klia olsem, ol i no stretpela tumas. Ol bai klia olsem, ol i no stretpela liklik.

Jisas i bin tok olsem.... *“Yupela mas i stap stretpela manmeri tru wankain olsem Papa bilong yupela i stap long heven Em i stretpela tru.”* **Matyu 5:48.**

Olsem na, ol dispela lida bilong lotu ol i no skelim gut ol yet. Nogat. Sapos ol i skelim gut ol yet, ating ol inap klia olsem ol i no stretpela tumas. Na sapos ol i klia olsem ol i no stretpela tumas, ating ol inap pret long laip bilong ol na askim Jisas long helpim ol. Long wanem? I gat kot bilong sin i stap.

Olsem na, sapos ol i pret long laip bilong ol na askim Jisas long helpim ol, orait Jisas inap stretim kot bilong ol na fogivim ol na bai ol i stap orait long ai bilong God na ol i no inap fesim hevi long sin bilong ol. Sapos ol i askim Jisas, orait Jisas inap givim nupela bel long ol na givim bilip long ol na givim nupela laip long ol.

Jisas Em i rot bilong sin manmeri i ken i go long heven.

Wanpela man o wanpela meri o wanpela boi o wanpela gel i no inap i go long heven long wok na strong bilong ol yet. Nogat. Long wok na strong bilong Jisas tasol sin manmeri i ken i go long heven.

Jisas i bin mekim dispela tok.... *“Mi yet Mi rot, na Mi as bilong Tok i tru, na Mi as bilong laip. I no gat wanpela man inap i go long Papa long narapela rot. Nogat. Long Mi tasol.”* **Jon 14:6.**

Taim Jisas i dai long diwai kros Em i mekim wok, na long dispela faitful wok tasol Jisas i ken i stretim kot bilong sin manmeri na fogivim sin bilong ol. Dispela wok Jisas i mekim long diwai kros i ken i mekim sin manmeri i stap orait long ai bilong God. Dispela wok Jisas i mekim long diwai kros i ken i sevim sin manmeri na ol i no ken i fesim hevi long sin bilong ol.

Tasol, pastaim, yu mas klia olsem yu no gutpela man. Yu mas klia olsem, yu man nogut tru. Yu mas klia olsem, yu no gat strong na yu nidim Jisas long mekim wok

bilang stretim kot bilang yu na fogivim sin bilang yu. Yu mas klia olsem, feitul wok bilang Jisas long diwai kros tasol bai mekim yu i stap orait long ai bilang God. Yu mas klia olsem, feitul wok Jisas i mekim bai sevim yu long fesim hevi long sin bilang yu.

Yu stap olsem wanem?

Yu stap olsem wanem? Yu gutpela man o yu man nogut, a? Yu gat planti sin i stap long laip bilang yu, a? Yu sem long laip bilang yu, a? I gat planti rong na mistek i stap long laip bilang yu, a?

Sapos yu tok, “Yes, mi gat planti sin long laip bilang mi,” orait, Jisas i tok olsem, “Mi kam bilang singautim kain manmeri olsem yu.” Tru tumas Jisas i kam bilang mekim wok bilang helpim kain manmeri olsem yu.

Jisas i save fogivim manmeri i tanim bel na i kam bek na i bilipim na trastim feitul wok bilang Em na i stap aninit long Em. Jisas i save stretim kot bilang ol na mekim ol i stap orait long ai bilang God na ol i no ken i fesim hevi long sin bilang ol.

Mi no save long yu. Gutpela pasin bilang yu i winim ol narapela manmeri long ples o nogut, mi no save. Tasol, yu mas skelim gut yu yet. Yu stretpela olgeta wankain olsem God Em i stretpela olgeta o nogat?

Sapos yu klia olsem yu no gutpela manmeri, orait yu ken i tanim bel nau na askim Jisas long fogivim yu. Yu ken i tanim bel nau na bilipim na trastim feitul wok Jisas i mekim long diwai kros bilang stretim kot bilang yu na mekim yu i stap orait long ai bilang God. Yu ken i tanim bel na putim yu yet aninit long Jisas na bihainim Em i go i go olgeta.

Olsem na, nau yu ken i prea long Jisas na askim Em long fogivim yu. Yu ken i prea long Jisas na askim Em long givim nupela bel long yu na givim bilip long yu. Yu ken i askim Jisas na Em i ken i helpim yu i stap aninit long Em i go i go olgeta.

“Wanpela tok i stap, na dispela tok yu ken i trastim na yu ken i kisim na holim gut. Na dispela tok i olsem, Krai Jisas i bin kam long dispela graun bilang sevim sin manmeri.” **1 Timoti 1:15.**